

EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.

PERICULORUM POETICORUM

FASCICULUS

Auctore

VALENTINO NAGLERO,
Smalcaldiensi Tyrigetâ.

VIRTUS NOBILITAS SOLIDA est: hæc evehit imos,
Et latum clavum dat Studiose tibi.

Magnæ spei adolescentulo Valentino Naglero in
Symbolum suum fecit ἀνοσχεδίασι

RODOLPHUS GOELENIUS Senior, Phi-
los. Marpurg.

VALENTINUS NAGLERVS

ἀναγεγραμμένης

AN LINUS VALENS URGET?



Hæc novem proles versu, NAGLERE, sororum,
Delicium Phæbi, spes pretiosa tuis;

Pectore dum surgit tibi Spiritus entheus, URGET

Filius AN LINUS ex Psammate natus agit?

Impiger in studijs per tempe Heliconia perge

Currere, grande Lini nomen habere potes.

M. Johannes Lanius Hersfeld. P. L.

Pastor in Aspach & Kirspenhausen.



MAGDÆBURGI,

TYPIS ANDREÆ BEZELI,

ANNO

IDE seD CVI VIDe.]

DDDCVIII

711
Consultissimis viris, virtute pietate, doctrinâ &
auctoritate spectatissimis:

Dn. M. HEINRICO SCHARDIO
Electoralis Judicij Veteris Marchiæ Brandenburg.
Adsesori dignissimo.

ET

Dn. ADAMO CHRANHOVIO,
Judicii Electoralis Veteris Marchiæ Ordinario &c Dominis
fautoribus & patronis suis honorandis.

SCHARDI, Pieridum fautor dilectæ sororum,
Idem lux Themidos, justitiæq; decus;
Tuq; tuæ patriæ laus non obscura, CRANHOVI;
Qui causas, multis dotibus auctus, agis:

Suscipite exiles, quas vobis offero, Musas,
Et studijs æquâ mente favete meis.
Si duce BILOVIO conscendere culmina Pindi,
Et dabitur doctos inter habere locum;
Cantabo vestras majori carmine laudes;
Paucula nunc mentis signa dedisse, sat est.

Valentinus Naglerus Schmalcal-
diensis Tyrigeta, Opt. Art. & Sacræ
Poësis Stud.



Ad

*Ad Illustrissimum & Potentissimum Principem ac
Dominum Dn.*

MAURICIUM LANDGRAVIUM
Hesiae &c. Musarum Mæcenatem.



Vem semel es patrio, PRINCEPS, am-
plexus amore,
NAGLERI Musas perge fovere tui.
Quas tibi nunc offert, clementi suscipe vultu,
Excita & ingenij munera parva mei.
Ingenio dives, sed re sum pauper & ære;
Pauperis & genij carmen ab ore fuit.
Tu mihi Mæcenas quæso sis, Optime princeps:
Sic olim in laudes ibo Poeta tuas.
Fidus ero quondam virtutum præco tuarum;
Nec tibi dedecori nostra Camæna fiet.
Gnavus adorabo vestigia fida docentis
BILOVII, Clarias qui mihi præbet aquas,
Belgica quem clarum jam natio laude docendi
Poscit, ob ingenij munera dia sui.
Hoc duce Parnasi conscendam culmina montis,
Hoc duce, qui parvus sum modò, magnus ero;
Ingenioq; petam laudem, famamque perennem;
Ad superas mihi sit scandere cura domos,
Vive Pater patriæ, felicia secula vive;
Regna tua ætheriâ firmet ab arte Deus.

Smalcaldiæ Mense Jul. A. C. 1613

A 2

Ad



Ad Humanissimum & Doctissimum Vi-
rum, Dns.

M. Henricum Schardium, J. C.

Qui largam pandis, SCHARDI doctissime, dextram
Vatibus & Musis porrigis auxilium:

Divini nunquam tua dextra carebit honore
Auxilij, & largas semper habebis opes.

Felix, quem sacri benedictio Numinis adflat,
Hic nullis poterit dives egere bonis.

Ad doctissimum & Politissimum virum. Dn.

Adamum Cranhovium, Judicij Electoralis
Vet. M. Advoc. Ordin.

Magnus, ADAME, tuo benedixit Jhova labori,
Te prole, & multis auxit honore bonis,
Vtere divitijs in honorem ritè Tonantis,

Quodq; facis, crebrò da quoq; pauperibus.

Sic fortuna tuis adsit prosperrima cœptis;

Perturbetq; tuos nulla procella lareis:

Ad Reverendum & Clarissimum Virum, Dns.

Danielem Schallerum Theologum Stendal.
Vet. M. Superint. Generalem.

Qui Superintendens antiquæ Marchidos oræ
Diceris, & scriptis nobile nomen habes,
SCHALLERE, hæc tibi Sparta data est divinitus:
almi

Floreat in laudem Numinis illa diu.

Ad

Ad Clarissimum & excellentissimum Virum Dn.
Joannem Krazium Stendal. J. U. D. & c.

EXcellens CRATI, Doctor celeberrime Juris,
Musarum fautor, Stendaliaeque decus:
Meque measque tuo dignare favore Camenas,
Cultores Phoebi quo decorare soles.

Sic celebrabo tuos, donis magis auctus, honores;
Perdaturque hostis lingua maligna tui.

Ad Amplissimum & Clarissimum virum Dn.

Joannem Boosium Goarinum, Quaestorem
Schmalcald, Musarum Patronum.

Accipe versiculos, mea quos tibi parvula sanxit
Pieris, et atis pro ratione mea.

Pusio non currit, pueri puerilia tractant:
Post aliquot menses metra polita dabo.

Major ero quondam, doctorum gloria, BOSI,
Numinis auspicio, Bilovioque duce.

Ad Zuberum.

TE Zuberi vocat ROSEFELDUS, gloria vatam
Maxima, Pieri turpe catharma gregis
Me pudet ad chartas tibi respondere cacatas:
Cum spurco certans stercore se maculat.

Ad Eundem.

Quamquam Zuberi tibi venam concessit Apollo,
Qua celebres dignos, & pia facta Dei.

A 3

Atta-

*Attamen ingenij donis quia abutere, honestos
Carpendo, in sordeis laus ea tota cadit.*

*Ad Humanissimum & Prudentissimum
Virum, Dn.*

*M. Andream Bunovium Reip. patr. Stens-
dal. Camer.*

BUNOVI, citharam tibi donat Apollo Pelasgam;
Promtiùs hinc Grajum carmen ab ore fluit.
Ocia si dederit tibi commoda curia, curis
Plena, Deum Musis concelebrare potes.

*Ad Dn. Adrianum Ludecum Stendal. Eccles:
patr. Petrinæ Pastorem.*

Non adeo procera, Dei Reverende Minister,
Tui statura corporis:

Verùm multa tibi concessit dona Jéhova;

Quæ jure laudet Stendalis:

*Vive diu, & rectè populum informare docendo
In longa perge secula.*

*Ad Dn. Petrum Giseum Stendal. Ecclesie patr.
Petrinæ Ministrum.*

Sinceræ præco pie religionis, honores
Non fictos tribuis voce sonante Deo.
Mens tibi munifica est, & Phœbi fautor alumnis
Non dubitas largam pandere, PETRE, manum.

Non

*Non amittuntur, socijsque munera dantur
Pieridum: Phœbus nam solet esse memor.*

*Ad Dn. M. Johannem Carstadium Stendal, Sch.
patr. ConR. & Cœnobij ad D. Annam Pastor.*

P*Reco Dei, patrij ProRectoris optime ludi,
CARSTADI, Clarij gloria magna chori:
Tu quoq; dum præstas nostris terebus amicum,
Dignus es, ut Musis concelebrêre meis.*

*Nam bonus es vates, in primis Græcus; in orbe
Ut magè clarescas, perge movere lyram.*

*Ad Andream Gussovium Ratenov. Ecclesiasten
in Ostbern, Poetam Gr. & Latinum.*

O*Rnat me nondum visum tua Musa favore,
Gussovi, Grajæ gloria magna lyræ,
Equales in rure tibi invenisse Poëtas
Rarum est, dum carmen ludis utrâq; lyrâ,
Nocte dieq; sacris incumbis, amice, libellis,
Dum pars Pastorum maxima curat agros,
Nec te pœniteat sacras coluisse Caménas
In rure arcano, quod sacra Musa colit.
Ruris amatores sunt vates, ruris amicus
Cynthius: hic nomen perpetuale dabit.*



Ad

Ad M; Matthæum Gothum Fil. Stolberg. P.L.
Gökelmanicum, Sch. Patr. Rect.

GOTHE, qui satyræ est protervus auctor,
Et præter meritum calumniatur
Patrem BILOVIVM elegantiarum,
Jure quem veneror parentis instar,
Ipsas Pieridas calumniatur,
Quin ipsas Charitas calumniatur,
Et scurra & nebulo vocandus ille est.
GOTHE, qui satyræ protervus auctor,

De Zuberō:

Zuberi proprium est, convitia dicere honestis,
Hospitis & lectos commaculare sui.

In Scurram.

Gallica dum vexat scabies te, scurra maligne,
Turba sodalitiū vitat honesta tuum.

In Symbolum Valentini Nagleri
Virtus Nobilitat Solidè.

Nil juvat antiquo censi stemmate, mentem
Ni decoret veræ nobilitatis amor:
Quid genus & proavos jactas? virtutibus æqua
Te patrijs, mentem ne malus error agat.
Levinus à Knesebeck.



№ 1996.

8

U

ULB Halle 3
 002 063 808



nicht aufg., da unvollst. u.
nicht zu ermitteln!

28 a / 50 / 1996 /

U 8 17

M

DX



B.I.G.

Farbkarte #13

POETICORUM
 CULUS
 re
 NAGLERO,
 si Tyrigetâ.
 LIDA est: hæc evehit imos,
 Studiose tibi.
 lescentulo Valentino Naglero in
 a fecit ἀνοσχεδιασι
 ENIUS Senior, Phi-
 arpurg.
 NAGLERVS
 αλιζελας
 LENS URGET?
 TAGLERE, sororum,
 des pretiosa tuis;
 tus entheus, URGET
 US ex Psammate natus agit?
 Heliconia perge
 ini nomen habere potes.
 es Lanius Hersfeld. P. L.
 in Aspach & Kirspenhausen.
)so
 BURGI,
 EÆ BEZELL,
 NO
 CUI VIDE.]
 DDCVIII

117
 3108
 128